

Broj: 01-44-561-1/14  
Sarajevo, 16.05.2014. godine

Na osnovu člana 60. a u vezi člana 56. Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), u skladu sa Zakonom o zaštiti i spašavanju ljudi i materijalnih dobara od prirodnih i drugih nesreća („Službene novine Federacije BiH“, br. 39/03 i 22/06), Uredbom o organizovanju službi zaštite i spašavanja u Federaciji Bosne i Hercegovine („Službene novine Federacije BiH“, broj 58/06) i Pravilnikom o organizovanju i funkcionisanju Službe za kontrolu zemljišta (Agropedologija) broj: 01-49-28/07 od 25.01.2007. godine, direktor Federalnog zavoda za agropedologiju, donosi

**P R O G R A M**  
**hitnih mjera sanacije poplavljenog poljoprivrednog zemljišta**  
**u Federaciji Bosne i Hercegovine**

1. Ovim Programom, a u skladu sa Zaključkom Vlade Federacije Bosne i Hercegovine V. broj: 868/2014 od 15.05.2014. godine (u daljem tekstu: Zaključak), utvrđuju se hitne mjere sanacije poplavljenog poljoprivrednog zemljišta na području Federacije Bosne i Hercegovine (u daljem tekstu: Federacija), a koje obuhvataju slijedeće aktivnosti:
  - Federalni zavod za agropedologiju (u daljem tekstu: Zavod) obavjestit će Federalni štab civilne zaštite i Federalnu upravu civilne zaštite o poduzimanju hitnih mjera sanacije poplavljenog poljoprivrednog zemljišta na području Federacije ;
  - Zavod će kontaktirati štabove civilne zaštite u općinama radi informiranja o stanju poplavljenih područja, kako bi se izvršilo uzimanje uzoraka tla na poljoprivrednim zemljištima sa kojih se povukla voda.;
  - izvršiti hitan obilazak terena i što je moguće brže uzeti uzorke tla na svim poplavljenim područjima, a u skladu sa tačkom 3. Zaključka;
  - odmah obavijestiti nadležne općinske organe o potrebi poduzimanja hitnih mjera sanacije poplavljenog poljoprivrednog zemljišta, sa preporukom svim poljoprivrednicima da što hitnije izvrše evakuaciju površinskih voda iz depresija na način da se plugovima ili drugim oruđima izvrši kopanje jaraka ili kanala prema recepijentima (kanali za odvodnju ili vodotocima), kako bi se usjevi i zasadi spasili od gušenja korjenovog sistema;
  - Vladi Federacije Bosne i Hercegovine i Federalnoj upravi civilne zaštite u što kraćem roku dostaviti izvještaj o stanju zagađenosti zemljišta teškim metalima i



organskim polutantima poplavljenih područja, sa prijedlogom mjera zaštite i sanacije, a koje se trebaju poduzeti na istražnim područjima.

2. Ovaj Program stupa na snagu danom donošenja, a za njegovu realizaciju zaduženi su Služba za kontrolu zemljišta i Sektor za pravne, finansijsko-računovodstvene i opšte poslove.

**Direktor**

mr. sc. Esad Bukalo

Dostaviti:

- Federalni štab civilne zaštite
- Služba za kontrolu zemljišta
- Sektor za prav. fin. rač. i opšte posl.
- a/a